

Inzko se sastao sa Banom Ki-moonom i višim zvaničnicima SAD-a



Na sastanku koji je jučer kasno popodne imao sa generalnim sekretarom UN-a Banom Ki-moonom visoki predstavnik i specijalni predstavnik EU Inzko je naglasio nedavni pozitivan razvoj situacije koji se u Bosni i Hercegovini desio u sferi vanjske politike. Ključni primjer je mjesto BiH u Vijeću sigurnosti UN-a, što je veliko postignuće, dok drugi primjeri obuhvataju napredak ostvaren u pravcu liberalizacije viznog režima sa EU ili razvijanje odnosa sa NATO-om. Visoki predstavnik i specijalni predstavnik EU je dodao da veoma poboljšana atmosfera na Zapadnom Balkanu daje priliku svim zemljama u regionu da postignu brži i značajniji napredak – priliku koju ne treba propustiti.

“U isto vrijeme, izgleda da su se politički jezik i logika unutar Bosne i Hercegovine u stvari pogoršali”, rekao je Inzko, što ima negativan utjecaj na sposobnost bh. lidera da postignu dogovore o reformama koje su ključne za evropsku budućnost zemlje.

Visoki predstavnik i specijalni predstavnik EU će danas u Vašingtonu imati sastanke sa višim zvaničnicima u State Departmentu i Kongresu kako bi razgovarao o situaciji u BiH i izgledima za budućnost.

Visoki predstavnik i specijalni predstavnik EU će reći da

hronično političko neslaganje postoji u vrijeme kada stopa nezaposlenosti nastavlja da raste, a životni standard pada, a dovelo je do toga da su vlasti provele premalo ključnih reformi.

Tom prilikom će također biti naglašeno da bi na ovogodišnjim izborima moglo doći do porasta broja mladih koji glasaju te bi građani mogli imati mogućnost da izaberu programe koji će najbolje odraziti legitimne težnje zemlje da budućnost nađe u EU.

Visoki predstavnik i specijalni predstavnik EU će istaknuti da je hitno potrebno poboljšati međunarodni ugled, koji odražava članstvo BiH u Vijeću sigurnosti, pretočiti u stvarne političke i ekonomske koristi za građane Bosne i Hercegovine